



Канонъ молебный ко всѣмъ преподобнымъ отцемъ Печѣрскимъ

[1].

Молитвами святыхъ отецъ нашихъ, Господи Иисусе Христе, Сыне Божий, помилуй насъ, аминь.

Святый Бже, Святый Крѣпкій, Святый Безсмѣртный, помилуй насъ. [Трижды, и поклѣны три.]

Слава Отцу и Сыну и Святому Духу, и нынѣ и присно и во вѣки вѣковъ, аминь.

Пресвятая Троице, помилуй насъ: Господи, очисти грѣхи наша; Владыко, прости беззаконія наша; Святый, посети и исцѣли немощи наша, имене Твоего ради.

Господи помилуй. [Трижды.]

Слава Отцу и Сыну и Святому Духу, и нынѣ и присно и во вѣки вѣковъ, аминь.

Отче нашъ, Иже еси на небесѣхъ! Да святится имя Твое, да придетъ Царствие Твое, да будетъ воля Твоя, яко на небесѣхъ и на земли. Хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушение, но избави насъ отъ лукаваго.

Господи Иисусе Христе, Сыне Божий, помилуй насъ, аминь.

Таже, Господи помилуй. [12.]

Слава Отцу и Сыну и Святому Духу, и нынѣ и присно и во вѣки вѣковъ, аминь.

Придите, поклонимся Цареву нашему Богу. [Поклонъ.]

Придите, поклонимся и припадѣмъ Христу, Цареву нашему Богу. [Поклонъ.]

Приидіте, поклонімся и припадёмъ самому Христу, Цареві и Бóгу нашему. [Поклонъ.]

Псаломъ 142:

Господи, услыши молитву мою, внуши моление мое во истину Твою, услыши мя во правду Твою и не вниди во судъ съ рабомъ Твоимъ, яко не оправдится предъ Тобою всякъ живый. Яко погна врагъ душу мою, смирилъ естъ во землю животоу мою, посадилъ мя естъ во темныхъ, яко мертвыя вѣка. И уны во мнѣ духъ мой, во мнѣ смятеся сердце мое. Помянухъ дни древняя, поучихся во всѣхъ дѣлѣхъ Твоихъ, во твореніихъ руку Твоею поучахся. Воздѣхъ къ Тебѣ рѹцѣ мои, душа моя, яко земля безводная Тебѣ. Скоро услыши мя, Господи, исчезе духъ мой, не отврати лица Твоего отъ мене, и уподоблюся низходящимъ во ровъ. Слышану сотвори мнѣ завтра милость Твою, яко на Тя уповахъ. Скажи мнѣ, Господи, путь во оныже пойду, яко къ Тебѣ взяхъ душу мою. Изми мя отъ врагъ моихъ, Господи, къ Тебѣ прибѣгохъ. Научи мя творити волю Твою, яко Ты еси Бóгъ мой. Духъ Твой благий наставитъ мя на землю праву. Имене Твоего ради, Господи, живиши мя, правдою Твоею изведеши отъ печали душу мою. И милостию Твоею потребиши враги моя, и погубиши вся стужающія души моеи, яко азъ рабъ Твой есмь.

Слава Отцу и Сыну и Святому Духу, и нынѣ и присно и во вѣки вѣковъ, аминь.

Аллилуїа, аллилуїа, аллилуїа, слава Тебѣ, Бóже. [Трижды, и поклоны три.]

Таже, Господи помилуй. [12.]

Слава Отцу и Сыну и Святому Духу, и нынѣ и присно и во вѣки вѣковъ, аминь.

Посемъ: Бóгъ Господь... [По гласу тропаря:]

Бóгъ Господь, и явился намъ, благословенъ грядый во имя Господне.

Стихъ: Исповѣдайтесь Господеви, яко благо, яко во вѣкъ милость Его.

Бóгъ Господь, и явился намъ, благословенъ грядый во имя Господне.

Стихъ: Обышедше обыдоша мя, и именемъ Господнимъ противляхся имъ.

Бóгъ Господь, и явился намъ, благословенъ грядый во имя Господне.

Стихъ: Не умру, но живъ буду, и повѣмъ дѣла Господня.

Богъ Господь, и явился намъ, благословенъ грядый во имя Господне.

Стихъ: Камень, егже небрегоша зидущи, сей бысть во главу угла, отъ Господа бысть сей, и естъ дивенъ во очесехъ нашихъ.

Богъ Господь, и явился намъ, благословенъ грядый во имя Господне.

Тропарь, гласъ 2:

Егда снидосте во гробы, и самехъ себе заключисте, тогда, страсти умертвивше плотскія, спогребостеся Христу, богоносни, и дьявольскія въ подземныхъ разрушисте ограды, сего ради ангели вѣнцы съ небесъ вамъ подають. [Дважды.]

Слава и нынѣ, богородиченъ:

Вся, паче смысла, вся преславная Твоя, Богородице, таинства, чистотѣ запечатанной и дѣвству храниму, Мати позналася еси неложна, Бога рождши Истиннаго. Того моли спастися душамъ нашимъ.

Таже, псаломъ 50-й:

Помилуй мя, Боже, по величїи милости Твоей, и по множеству щедротъ Твоихъ очисти беззаконіе мое. Наипаче омый мя отъ беззаконія моего, и отъ грѣха моего очисти мя. Яко беззаконіе мое азъ знаю и грѣхъ мой предо мною естъ вѣну. Тебѣ Единому согрѣшихъ, и лукавое предъ Тобою сотворихъ, яко да оправдишися во словесехъ Твоихъ и побѣдиши, внегда судити Ти. Се бо въ беззаконїихъ зачатъ есмь, и во грѣсехъ роди мѣ мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мѣ иссопомъ, и очищуся, омыеши мѣ, и паче снѣга убѣлюся. Слуху моему даси радость и веселіе, возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ, Боже, и дѣхъ правъ обнови во утробѣ моей. Не отвержи мене отъ лица Твоего, и Дѣха Твоего Святаго не отыми отъ мене. Воздаждь ми радость спасенія Твоего, и Дѣхомъ Владычнимъ утверди мѣ. Научу беззаконныя путемъ Твоимъ, и нечестивїи къ Тебѣ обратятся. Избави мѣ отъ кровей, Боже, Боже спасенія моего, возрадуется языкъ мой правдѣ Твоей. Господи, устнѣ мои отверзеши, и уста моя возвестятъ хвалу Твою. Яко аще бы восхотѣлъ еси жертвы, даль быхъ убѣ, всесожженія не благоволиши. Жертва Богу дѣхъ сокрушенъ, сердце сокрушенно и смиренно Богъ не уничижитъ. Ублажи, Господи, благоволеніемъ Твоимъ Сиона, и

да созиждутся стѣны Іерусалимскія. Тогда благоволиши жѣртву правды, возношеніе и всесожегаемая: тогда возложать на олтарь Твоѣй тельцы.

Канонъ преподобнымъ, гласъ 8. [2]

Пѣснь 1.

Печерская Миниа. Часть 2-я. Киев, 2007Ирмось: Воду прошедъ, яко сушу, и египетскаго зла избѣжавъ, израїльтянинъ вопіяше: Избавителю и Богу нашему поимъ.

Припѣвъ: Преподобнии отцы Печерскіи, молите Бога о насъ.

Въ памяти преподобныхъ Твоихъ, даждь, Христѣ мой, помощь свѣше и научи мя, умудряя Святымъ Твоимъ Параклітомъ, да принесу пѣсенное хваленіе Тебѣ, единому Владыцѣ.

Припѣвъ: Преподобнии отцы Печерскіи, молите Бога о насъ.

Воду переходити пѣсенныхъ словесъ въ память вашу, богоноснии отцы, хотяща мя, въ тишинѣ умной всегда исправите, и отъ бурныхъ страстей удержите, да въ вашемъ хваленіи съ пѣснію возвеличу имя Бога моего.

Припѣвъ: Преподобнии отцы Печерскіи, молите Бога о насъ.

Соборъ богоносныхъ отецъ о Бозѣ собрася, людие, приидите въ поклоненіе, несуще съ собою одушевленныя жѣрты, се бо призываютъ ны, да принесемъ славу Царю всѣхъ, единому Владыцѣ.

Припѣвъ: Преподобнии отцы Печерскіи, молите Бога о насъ.

Благоплодовитое древо и масличная вѣтвь, отъ Авона принесенная на сію гору, великій Антоній, егоже плодами увеселяюще души наша, приносимъ пѣснь Тебѣ, Христу, всѣхъ Владыцѣ.

Слава: Славу Твою, Троице Святая, въ жизни сей преподобнии въ души своей сохраниша, тѣмъ сподобишася отъ Тебѣ присносущныя славы, еяже и мы да не лишимся, соборъ ихъ днесь Тебѣ въ молитву представляемъ.

И нынѣ: Въ пѣрвое благородіе Привѣдшая родъ чловѣческой святѣмъ Рождествомъ Твоимъ, обезчѣщенна мя бѣсовскими лаяніи, приведи ко славѣ умнѣй, да выну пою Ти: радуйся, славо православныхъ, Чистая Мати Дѣво.

Катавасія: Моли́те Бо́га о на́съ, преподо́бнии отцы́ на́ши Анто́ние и Феодо́сие и вси́ преподо́бнии Пече́рскіи, яко́ мы усѣрдно къ ва́мъ прибѣга́емъ, ско́рымъ помо́щникомъ и моли́твенникомъ о ду́шахъ на́шихъ. [Покло́нь.]

Го́споди поми́луй. [Три́жды.]

Пѣснь 3.

Ирмо́сь: Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ въ любви́ Твоѣй, желáній кра́ю, вѣрныхъ утвержде́ние, еди́не Чово́вколю́бче.

Припѣвъ: Преподо́бнии отцы́ Пече́рскіи, моли́те Бо́га о на́съ.

Небе́снаго и земна́го кру́га Созда́тель созда́ мѣсто сіе́, и ва́съ, до́брыя гра́жданы, въ не́мъ поста́ви, треблаже́ннии отцы́. Причтите́ на́съ въ сожитіе́ ва́ше нетлѣ́нное и желáемаго кра́я ми́лости дости́гнути моли́теся, мо́лимъ ва́съ.

Припѣвъ: Преподо́бнии отцы́ Пече́рскіи, моли́те Бо́га о на́съ.

Изъ горы́ по предувѣ́дѣнію Бо́жію свѣ́тила яви́шася на землі́ боґоно́снии отцы́ и просвѣ́тиша Росси́йскую зе́млю свѣ́тлостію житія́ своего́, е́же мы́ чу́ще, удивля́емся и славосло́вимъ, Христе́, си́лу Твою́.

Припѣвъ: Преподо́бнии отцы́ Пече́рскіи, моли́те Бо́га о на́съ.

Удивля́емся, яко́, во плóти су́ще, вы́шше естества́ по́двиґ пріѣ́мше, а́нгеломъ уподо́бишася, ду́ши бо своѣ́й вперивше́ въ лю́бовь Бо́жію, ничто́же въ ми́ръ па́че тоѣ́ предпочто́ша, отъ нея́же въ немощно́й плóти прія́ша, Христе́, си́лу Твою́.

Припѣвъ: Преподо́бнии отцы́ Пече́рскіи, моли́те Бо́га о на́съ.

Страстей мглу всю и похоть вредну отложше, терпѣнием востекóша на предлежащій пóдвигъ преподóбнии Твои, Гóсподи. Тѣмже озари́шася отъ Тебѣ благодáтию, ходяще во свѣтъ повелѣній Твоихъ, Спáсе.

Слáва: Во Еди́номъ Существѣ́ Трѣхпостáсное прославля́емъ Божество́, Отца́ и Сы́на и Духа́ Пресвята́го, Еди́наго же Тя по́емъ Бо́га, и поклоня́ющеся въ пáмяти преподóбныхъ о́тець нáшихъ, славослóвимъ си́лу Твою́.

И ны́нѣ: Слово́мъ неизглаго́ланное весѣ́лие сущи преподóбныхъ, рáдости мя о́ныхъ причáстника сотвори́ и слáвы святыхъ не лишѣ́, я́ко вся Тебѣ́ о Бо́зѣ возмо́жна, и твориши, ели́ка хóщещи, Марі́е Богоневѣ́сто.

Катавасія: Моли́те Бо́га о нáсь, преподóбнии о́тцы нáши Анто́ние и Феодо́сие и вси преподóбнии Печѣ́рскіи, я́ко мы́ усѣ́рдно къ ва́мъ прибѣ́гаемъ, ско́рымъ помо́щникомъ и моли́твенникомъ о душа́хъ нáшихъ. [Покло́нь.]

Гóсподи помилуй. [Три́жды.]

Съда́лень, гла́сь 8:

Звѣ́зды мы́сленныя, озаря́ющія Росси́йскую зѣ́млю, богоно́сныхъ о́тець собо́ръ почитáти дерза́ю, но, страстьми́ омраче́нную имей́ ду́шу, умо́мъ недоумѣ́ю; разжені́те тму́ непостоя́нныя мы́сли, да че́стно воспою́ пѣ́снь ва́мъ, о́тцы преблаже́ннии.

Слáва, гла́сь 2:

Поще́ниемъ просія́вшихъ и свѣ́тлыми пóдвиги преподóбныхъ о́тець Печѣ́рскихъ чистое житі́е и труды́ кто́ восхвалі́ти мо́щень? Обáче отъ любве́, я́же къ нимъ, пѣ́сенныя дáры принóсимъ, тіи́ бо, со а́нгелы предстоя́ще, прѣ́сно мо́лятся Гóсподеви о всѣ́хъ нáсь.

И ны́нѣ, богорóдичень:

Милосѣ́рдія сущи́ истóчникъ, милости́ сподоби́ нáсь, Богорóдице, прѣ́зри на лю́ди согрѣ́шившія, яви́, я́ко прѣ́сно, си́лу Твою́, на Тя́ бо упова́юще, — ра́дуйся, — вопі́емъ Ті́, я́коже иногдá Гаврі́иль, безплóтныхъ архистрати́гъ.

Пѣснь 4.

Ирмосъ: Услышахъ, Господи, смотрѣнія Твоего таинство, разумѣхъ дѣла Твоя, и прославихъ Твое Божство.

Припѣвъ: Преподобнии отцы Печерскіи, молитѣ Бога о насъ.

Неусыпнѣ сердечное видѣніе имущѣ къ Богу, бысте незлобивии, аки младенцы, но яро око имѣсте на бѣсы, яко и имене вашого имѣ трепетати. Молимъ васъ, молитесь, да и отъ насъ нападѣнія вражія со студомъ возвратятся.

Припѣвъ: Преподобнии отцы Печерскіи, молитѣ Бога о насъ.

Одержимъ есмь любовію восхвалити вашъ соборъ, отцы богоноснии, вы бо хвалими есте отъ Бога и человекъ, яко въ жизни сей славу міра сего презрѣсте, да исполните повелѣнія Христова.

Припѣвъ: Преподобнии отцы Печерскіи, молитѣ Бога о насъ.

Кій языкъ изречетъ славу вашу, о преподобнии, юже многими трудами стяжасте, благодатию же наверхіште? И сія знаменія являютъ чудесная ваша благотворенія и исцѣленія, имже и насъ, немощныхъ, не презрите, да возможемъ исполнити повелѣнія Христова.

Припѣвъ: Преподобнии отцы Печерскіи, молитѣ Бога о насъ.

Господь пасетъ васъ нынѣ на мѣстѣ злачнѣ, преблаженнии отцы, и кое уже васъ лишаетъ блага? Потокъ бо сладости васъ напаяетъ, отъ негоже понѣ каплею единою житія нашего горестъ, молимся, усладите, да радостно Богу нашему воспоемъ.

Слава: Духъ Пресвятый спослушествуетъ духови вашему, отцы богоноснии, яко есте чада Божія и снаспѣдницы Христова, и Емуже работасте, съ Нимъ и прославляетея, поюще: благословенъ Богъ отецъ нашихъ.

И нынѣ: Вся слава Твоя, Дщи Царева, внутрь, одѣяна и преукрашенна предстоиши Троическому Престолу, отнюду же сіяя паче солнца лучами благодости Твоея, призри на ны, да выну поемъ, Мати

Дѣво, сілу Твою.

Катава́сія: Моли́те Бо́га о на́съ, преподо́бнии отцы́ на́ши Анто́ние и Теодо́сие и всі́ преподо́бнии Пече́рскіи, јако́ мы́ усѣ́рдно къ ва́мъ прибо́гаемъ, ско́рымъ помо́щникомъ и моли́твенникомъ о душа́хъ на́шихъ. [Покло́нь.]

Го́споди поми́луй. [Три́жды.]

Пѣ́снь 5.

Ирмо́сь: Просвѣ́ти на́съ повелѣ́ніи Твои́ми, Го́споди, и мы́щцею Твое́ю висо́кою Тво́й ми́ръ пода́ждь на́мъ, Человѣ́колю́бче.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Просвѣ́тиша всю́ Росси́йскую зе́млю да́нною їмъ благода́тію отцы́ всеблаже́ннии, и тма́ уже́ зловѣ́рія въ ко́нєць поги́бе. Ты́я лучи́ прости́ на ны́ моле́нія їхъ ра́ди, мо́лимтиса, еди́не Человѣ́колю́бче.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Въ горѣ́ святѣ́й, въ те́мной пеще́рѣ кѹ́щи своя́ водрузи́сте, отцы́ преблаже́ннии, Бо́жій ра́й сотвори́сте и огусти́сте добродѣ́тельми и чудесы́, а́ки благоплодови́тыми древе́сами, отъ ни́же приходи́щи вѣ́рно приѣ́млють исцѣ́ленія плоды́ и ва́съ хвала́ми велича́ють.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Ише́дъ на зла́чное по́ле мы́сленнаго ра́я пеще́ры святы́я, услажда́юся благово́нными арома́ты, ја́же источа́ють мо́щи ва́ша, преподо́бнии отцы́, и ве́село Созда́телю Бо́гу пѣ́снь умо́мъ возсыла́ю.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Вертогра́дъ заклю́ченъ ты́ еси́, пеще́ро святая́, въ тебѣ́ бо Сади́тель Вы́шній насади́ мно́жество древе́сь, богоно́сныхъ оте́ць, а́ки ке́дровъ лива́нскихъ, їже до́сягоша небе́сь высото́ю, їмже уди́вляяся, пою́ пѣ́снь Бо́гу моему́.

Слава: Слава Тебѣ, Троице Пресвятая, яко прославила еси мѣсто земное, небѣсному гражданы подобное, въ ѡмъ пѣніи приносимымъ отъ насъ пѣніемъ Тя, Отче и Сыне и Душе Святый, съ раболѣпнымъ поклонѣніемъ, грѣшнии, славимъ и Твое Единое Божество превозносимъ.

И нынѣ: Къ преподобныхъ селенію отъ дѣлъ восхода не имый, къ Тебѣ прибѣгаю, Владычице Богородице, Ты бо еси двѣрь небѣсная и пророкомъ видѣнная лѣстница, по благодати ѡбо Твоей даждь восхожденіе въ сѣрдцѣ моёмъ и отвѣрзи ми двѣри милости Твоея.

Катавасія: Молите Бога о насъ, преподобнии отцы наши Антоніе и Феодосіе и вси преподобнии Печѣрскіи, яко мы усѣрдно къ вамъ прибѣгаемъ, скорымъ помощникомъ и молитвенникомъ о душахъ нашихъ. [Поклонѣ.]

Господи помилуй. [Трижды.]

Пѣснь 6.

Ирмосъ: Молитву пролию ко Господу и Тому возвѣщу печали моя, яко золь душа моя исполнися и животь мой аду приближися, и молюся, яко Іона: отъ тли, Бже, возведи мя.

Припѣвъ: Преподобнии отцы Печѣрскіи, молитѣ Бога о насъ.

Молитвы наша приносимъ вамъ, о богоноснии отцы, вы бо есте молитвенницы о насъ къ Богу и ходатаи, ходатайствомъ ѡбо вашимъ отъ тли грѣховныхъ избавите честный вашъ соборъ почитающихъ.

Припѣвъ: Преподобнии отцы Печѣрскіи, молитѣ Бога о насъ.

Рай мысленный еси, Печѣрская святая горѣ, умножившая умная древеся — блаженныя отцы, ѡмъ исцѣсти по единому не могуще, о всѣхъ вкупѣ хвалу и пѣснь приносимъ единому Владыцѣ.

Припѣвъ: Преподобнии отцы Печѣрскіи, молитѣ Бога о насъ.

Иже изведѣ востокъ и Россійская страна и израсти Печѣрская горѣ, аки богонасажденная древеся, сихъ плоды объѣмлюще, людіе, стецитѣся почитити, и пѣснь принесемъ Владыцѣ.

Припѣвъ: Преподобніи отцы Печерскіи, молитвѣ Бога о насъ.

Дрѣвнихъ отецъ стопамъ послѣдующе, не уклонитесь ни мало отъ ихъ трудовъ, тѣмже равный динарь вѣчныя жизни отъ Христа приѣмше, со ангелы славите превѣчное Того Божество.

Слава: Впадохъ въ руки враговъ мысленныхъ и окованъ есмь отъ нихъ тяжкими путы, отъ ниже брать не избавить. Ты, Троице Пресвятая, яко Милостивая, созданіе Твое помилуй и благодію Твоею отъ узъ смѣртныхъ свободи.

И нынѣ: Славити Тя всегда кто не хощетъ, Чистая Дѣво, чуждъ естъ спасенія своего: слава бо Твоя всѣмъ прострѣся во спасеніе, славычимъ Тя, Маріе Богоневѣсто.

Катавасія: Молите Бога о насъ, преподобніи отцы наши Антоніе и Феодосіе и вси преподобніи Печерскіи, яко мы усердно къ вамъ прибѣгаемъ, скорымъ помощникомъ и молитвенникомъ о душахъ нашихъ. [Поклонѣ.]

Господи помилуй. [Трижды.] Слава и нынѣ.

Кондакъ, гласъ 8. Подобень: Взбранной.

Отцы всечестніи, лице богокрасный, чудесь многихъ источницы, мѣро источающіи, сокровища краснобогатая Господня, въ землі сокровенная, не престаите, молимъ вы, о насъ молитися ко Господу, да зовемъ вамъ: радуйтесь, всему міру свѣтильницы.

Икосъ:

Ангельски пожившія на землі, и ангеломъ равностоятели явльшіяся на небесі, съ тѣмиже и неизреченныя оныя наслаждающіяся доброты, достолаженныя отцы наша, помощники и заступники теплыя, приидите, вѣрнии, восхвалимъ, къ нимъ вопіюще: радуйся, Антоніе, солнцу подобный свѣтильниче; радуйся, зеркало и образе всѣмъ преподобнымъ Россійскимъ; радуйся, вторый Моисее, мысленныя скрижали, добродѣтели твоя намъ отъ горы святаыя принеси.

Радуйся, Феодосіе, ангеловидный человекъ; радуйся, звѣздо утренняя, тьму невѣднія прогоняющая; радуйся, забрало неборимое отъ врагъ видимыхъ и невидимыхъ. Радуйтесь, вси преподобніи отцы наши Печерскіи; радуйтесь, земніи ангелы и небесніи человекы; радуйтесь, благоуханніи цвѣти райстии; радуйтесь, пребогатая сокровища сокровенная въ землі; радуйтесь,

бийсеріе многоцѣнниі, отъ пещеры, аки отъ моря, просіявши; радуїтєся, наша похвало и всѣмъ прибѣгающимъ къ вамъ избавителіе отъ бѣдъ; радуїтєся, всему міру свѣтильницы.

Пѣснь 7.

Ирмосъ: Отъ Іудеї дошедше, отроцы, въ Вавилонѣ иногда, въроу Троическою пламень пещный попраша, поюще: отцевъ Бже, благословенъ еси.

Припѣвъ: Преподобнии отцы Печерскіи, молитѣ Бога о насъ.

Тучная еси и усырѣнная, Печерская горѣ, въ твоихъ бо гражданныхъ изволи Вышній селеніе Свое положити, тѣмже и мы съ ними поемъ: отецъ нашихъ Бже, благословенъ еси.

Припѣвъ: Преподобнии отцы Печерскіи, молитѣ Бога о насъ.

Смирны исполнена и холму Ливанскому подобна еси, Печерская горѣ, каплющая мѣры богоносныхъ отецъ на исцѣленіе болѣзней тлетворныхъ, иже мы благоуханіе приемлюще, поемъ: отецъ нашихъ Бже, благословенъ еси.

Припѣвъ: Преподобнии отцы Печерскіи, молитѣ Бога о насъ.

Царицы Небесныя селеніе еси, святпечерская горѣ, юже сильныхъ множество преподобныхъ отецъ окружають, вси оружія изошрѣнны имущѣ, молитвы протіву міродержца, поють пѣснь Богу: поемъ и превозносимъ Его во вѣки.

Припѣвъ: Преподобнии отцы Печерскіи, молитѣ Бога о насъ.

Востокъ и западъ, югъ и сѣверъ видить во оградѣ твоѣй, Печерская горѣ, источникъ, кипящій мѣры чудесъ богоносныхъ отецъ, изливающийся всѣмъ изобильно, иже поють и превозносятъ Господа во вѣки.

Слава: Прославляющія святыхъ Твоихъ прослави, Преплагая Троице, славою, юже уготовала еси отъ вѣка рабѣмъ Твоимъ, и сподоби пѣти: отецъ нашихъ Бже, благословенъ еси.

И нынѣ: Прерадованная Мати и Царице, радостная Тебѣ приносящихъ радости вѣчныя сподоби и отвори райскія двѣри христiанскому всему роду, присно Тебѣ поющему: Богородице, благословенна еси.

Катавасiя: Молите Бoга о насъ, преподобнии отцы наши Антонiе и Феодосiе и вси преподобнии Печерскiи, яко мы усердно къ вамъ прибѣгаемъ, скорымъ помощникомъ и молитвенникомъ о душахъ нашихъ. [Поклонъ.]

Господи помилуй. [Трижды.]

Пѣснь 8.

Ирмосъ: Царя Небеснаго, Егoже поютъ вои ангельстии, хвалите и превозносите во вся вѣки.

Припѣвъ: Преподобнии отцы Печерскiи, молитe Бoга о насъ.

Во оградѣ пещеры святыя проходя умомъ, зримъ на тверди ея множество, аки звѣздъ, отецъ преподобныхъ, иже исчислити не возможно. Тѣмъ о всѣхъ воздавше хвалу Бoгу, молимъ, да дастъ намъ съ ними превозносити Егo во вѣки.

Припѣвъ: Преподобнии отцы Печерскiи, молитe Бoга о насъ.

Проявльшаго на горѣ святой Печерской васъ, свѣтила великая, отцы богонoснии, отнюду же благодатныя лучи прострoте и всю Россiйскую зѣмлю чудесы просвѣтите, тѣмже поемъ Господа и превозносимъ во вѣки.

Припѣвъ: Преподобнии отцы Печерскiи, молитe Бoга о насъ.

Не многобурное море, но пещера святая являетъ ваша мoщи, аки бисерие драгое, угoдницы Бoжии, и обогащаете чудесъ излиянии всѣхъ къ вамъ съ вѣрою приходящихъ и превозносящихъ Господа хвалами во вѣки.

Припѣвъ: Преподобнии отцы Печерскiи, молитe Бoга о насъ.

Гласъ радования и шумъ празднoлюбныхъ стѣкается восхвалити соборъ вашъ, отцы Печерскiи;

тѣхъ ўбо хвалѣнія приѣмше, отъ всѣхъ скорбѣй и печалей спасайте, да всегда васъ величаѣмъ.

Слава: Славы ра́ди имене Твоего́, Пресу́щественная Трѳице, просла́вила еси́ пра́ведныхъ Твои́хъ и мѣсто сіе́; бла́гостію ўбо Твоею́ пода́ждь и намъ, Бла́же, сла́ву святы́хъ во сла́въ Твое́й зрѣти, и съ ними Тебе́ сла́вити, въ трі́ехъ впоста́сѣхъ Еди́наго Бо́га.

И ны́нѣ: Связа́нъ е́смь мно́гими плени́цами страсте́й, и нѣсть ми́ разрѣ́шенія наде́жды, но Ты́ помилуй́ мя, ꙗ́ко Ма́ти Бо́га вы́шняго, и разрѣ́ши мя отъ ни́хъ, Ты́ бо Еди́на си́льна еси́ по Бо́зѣ грѣ́ховныя плени́цы разрѣ́шити.

Катава́сія: Моли́те Бо́га о на́съ, преподо́бнии отцы́ на́ши Анто́ніе и Феодо́сіе и всі́ преподо́бнии Пече́рскіи, ꙗ́ко мы́ усѣ́рдно къ ва́мъ прибѣ́гаемъ, ско́рымъ помо́щникомъ и моли́твенникомъ о ду́шахъ на́шихъ. [Покло́нь.]

Го́споди помилуй́. [Три́жды.]

Пѣ́снь 9.

Ирмо́сь: Вои́стинну Богоро́дицу, Тя́ исповѣ́дуемъ, спасѣ́ннии Тобо́ю, Дѣ́во Чі́стая, съ безплѣ́тными лики́ Тя́ велича́юще.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Вои́стинну пре́жде юдо́ль бѣ́ плачев́ная и верте́пъ разбо́йникомъ го́ра сі́я свята́я, ны́нѣ же до́мъ Бо́жі́й е́сть, и живу́щии въ не́мъ блаже́ннии, ꙗ́ко ва́ми освяты́ся, богоно́снии отцы́: се́го ра́ди всѣ́хъ васъ велича́емъ.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Ра́достною ду́шею взѣ́мше крѣ́стное ѿго́ и ра́ломъ трудо́въ го́ру сію́ воздѣ́лавше, насади́сте сады́ по́товъ ва́шихъ, богоно́снии отцы́, мы́сленныхъ, ѿже пло́ды объѣ́мше, увеселя́емъ ду́ши на́ша и всѣ́хъ васъ велича́емъ.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Во еди́нь пу́ть за́повѣдей Господни́х ходя́ще, разли́чная сѣмена сѣя́сте: о́въ чистоту́, о́въ послуша́ние, и́нь по́стъ, дру́гий ни́щету́, тру́ды и слѣзы. Обаче всѣ́ ра́вно ра́дости рукоя́ти пожина́ете, отъ ни́же и на́мь да́рствуйте, да вы́ну ва́сь всѣ́хъ велича́емъ.

Припѣ́въ: Преподо́бнии отцы́ Пече́рскіи, моли́те Бо́га о на́съ.

Отъ мѣ́ста плаче́внаго на бесплаче́вное прешѣ́дшихъ, мо́лимъ ва́сь, отцы́ преблже́ннии, на́съ, па́мьятъ ва́шу вку́пѣ почита́ющихъ, всякія ско́рби изба́вляйте, да всѣ́ ва́сь велича́емъ.

Сла́ва: Сла́ва Ты́ еси́, Тро́ице, преподо́бныхъ оте́цъ ли́ку, и неги́блющее весе́лие, о Тебе́́ бо ми́ръ и пло́ть съ невиди́мымъ враго́мъ побѣ́дивше, прія́ша вѣ́нцы и ра́дуются со а́нгелы, Тя́ всегда́ велича́юще.

И ны́нѣ: Сла́вимъ Тя́, пресла́вный гра́де Бо́жій, Тебе́́ бо Са́мъ основа́ Вы́шній и даде́ въ прибе́жище всѣ́мъ отъ лица́ вра́жія бѣ́жащимъ. И на́мь бу́ди въ приста́нище, да Тя́ вы́ну велича́емъ.

Катава́сія: Моли́те Бо́га о на́съ, преподо́бнии отцы́ на́ши Анто́ніе и Феодо́сіе и всѣ́ преподо́бнии Пече́рскіи, я́ко мы́ усѣ́рдно къ ва́мь прибе́гаемъ, ско́рымъ помо́щникомъ и моли́твенникомъ о душа́хъ на́шихъ. [Покло́нь.]

Го́споди поми́луй. [Три́жды.]

Посе́мъ задосто́йникъ, гласъ 8:

Влады́чице, приими́ моли́тву ра́бъ Свои́хъ и изба́ви на́съ отъ всякія ну́жды и печáли. Ты́ еси́, Богоро́дице, ору́жіе на́ше и стѣна́. Ты́ еси́ Засту́пнице, и къ Тебе́́ прибе́гаемъ, Тя́ и ны́нѣ на моли́тву призы́ваемъ, да изба́виши ны́ отъ вра́гъ на́шихъ. Возвели́чимъ Тя́ всѣ́, Пренепоро́чную Ма́терь Христа́ Бо́га на́шего, Ю́же о́снѣи Ду́хъ Пресвяты́й. [Покло́нь до земли́.]

Та́же:

Святы́й Бо́же, Святы́й Кре́пкій, Святы́й Безсме́ртный, поми́луй на́съ. [Три́жды, и покло́ны три.]

Сла́ва Отцу́ и Сы́ну и Свято́му Ду́ху, и ны́нѣ и прісно́ и во вѣ́ки вѣ́ковъ, ами́нь.

Пресвятая Троице, помилуй насъ: Господи, очисти грѣхи наша; Владыко, прости беззаконія наша; Святыи, посети и исцѣли немощи наша, имене Твоего ради.

Господи помилуй. [Трижды.]

Слава Отцу и Сыну и Святому Духу, и нынѣ и присно и во вѣки вѣковъ, аминь.

Отче нашъ, Иже еси на небесѣхъ! Да святится имя Твое, да придетъ Царствие Твое, да будетъ воля Твоя, яко на небеси и на земли. Хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушение, но избави насъ отъ лукаваго.

Господи Исусе Христе, Сыне Божий, помилуй насъ, аминь.

Тропарь, гласъ 2:

Егда снидосте во гробы, и самѣхъ себе заключисте, тогда, страсти умертвише плотскія, спогребостеся Христу, богоноснии, и диавольскія въ подземныхъ разрушисте ограды, сего ради ангели вѣнцы съ небесъ вамъ подають.

Слава, кондакъ, гласъ 8:

Отцы всечестнии, лице богокрасный, чудесъ многихъ источникъ, мѣро источающии, сокровища краснобогатная Господня, въ земли сокровенная, не престайте, молимъ вы, о насъ молитися ко Господу, да зовемъ вамъ: радуитесь, всему міру свѣтильницы.

И нынѣ, богородичень, гласъ 2:

Вся, паче смысла, вся преславная Твоя, Богородице, таинства, чистотѣ запечатанной и дѣвству храниму, Мати позналася еси неложна, Бога рождши Истиннаго. Того моли спастися душамъ нашимъ.

Господи помилуй. [40.]

Слава Отцу и Сыну и Святому Духу, и нынѣ и присно и во вѣки вѣковъ, аминь.

Молитва ко всѣмъ преподобнымъ отцемъ Печѣрскимъ [3].

Припѣвъ: Преподобнии отцы Печѣрскіи, молитѣ Бога о насъ.

Преплаженнии, приснославнии, преподобнии отцы, святіи первоначальницы Печѣрскіи, Антоніе и

Өөдөдөсө, сүвшө Бөгөмь дарованни, двоице благодатная, соузюмо совершенства, любювию къ Бөгу и ближнему соединенная, не точию въ жизни сей временной друголюбнѣ трудившиися о пользѣ душевной иночествующихъ и въ мирѣ благочестно живущихъ, но и по отшествию своемъ въ жизнь вѣчную общавшиися пособствовать всѣмъ и молитися ко Господу Бөгу и Пресвятѣй Богородице о спасеніи всѣхъ, наипаче грѣшниковъ, отъ нихже первыи есмь азъ. Къ вамъ, угодникомъ Божіимъ и Пресвятія Богородицы, яко истиннымъ ходатаемъ спасенія, притекая, смиренно молюся: предстаните мнѣ въ помощь, ѹзами грѣховъ связанному, и помолитесь о мнѣ, купно же и всѣхъ наслѣдниковъ богоугодного вашого житія и снаслѣдниковъ Царствія небеснаго подвигните на многомогущія молитвы, всѣхъ бо васъ, недостойный, призывати на заступленіе дерзая, желая отъ всѣхъ грѣховъ моихъ вами освобожденіе получитьи. Всі преподобни отцы Печерскіи, богоугодно трудившиися и нетлѣнно въ пещерахъ почивающіи, святіи іерарси, священноначальницы, священнойоцы, постницы, мученицы, дѣвственницы, чудотворцы, вы есте родъ избранъ, царское священіе, языкъ святъ, людіе обновленія, извѣстителіе добродѣтелей изъ тмы тлѣнныя сея жизни Призвѣвшаго васъ въ чудный свѣтъ; васъ бо ни земля потайла естъ, аще же кихъ и потайла, подъ спудомъ почивающихъ, но, вѣрую, яко всѣхъ небо пріяло естъ, и яко славы вашей исповѣсти, тако и именъ вашихъ исчесті ми не возможно, множеству бо звѣздному уподобистесь, развѣ Самъ, исчитая множество звѣздъ и всѣмъ имъ имена нарицаая, исповѣданныи отъ васъ на земли Царь славы, Христось, всѣхъ васъ, преподобныхъ Своихъ, по имени написанныхъ на небесѣхъ, исчитаетъ и совершенно исповѣдуетъ предъ Отцемъ Своимъ Небеснымъ. Помозите мнѣ, грѣшному, въ сокрушеніи и смиреніи сѣрдца моего припадаю, молюся вамъ, свѣтъ сѹще міру и свѣтильницы, изъ-подъ спуда пещернаго поставлени душами на свѣщницѣ небесномъ, осіявайте мя, омраченнаго навѣты вражіими, свѣтомъ благодати сүвшө, да въ немъ ходящъ, не преткну о камень ноги моея. Вы есте сосуди, въ честь избраннии, исполненнии благодати Божія обильно, молю: сподобите мя, грѣшнаго, отъ исполненія вашого пріяти. Вы есте соль земли, азъ же есмь земля, будите мнѣ солию, соблюдающе всецѣло дүшу и тѣло мое отъ согнитія грѣховнаго. Всі вы, преподобни Печерскіи, врачеве благодатнии, исцѣляющіи всякъ недугъ и всяку язю въ людехъ, молюся вамъ, святіи: исцѣлите и моя душевныя и тѣлесныя язвы, да достойно прославляю Бөга въ души и тѣлеси моемъ, всѣхъ васъ во всемъ благодаря. Вы бысте алчущи и жаждущи правды, нынѣ же блаженнаго обѣда въ Царствіи Божіи

достойно насыщаетеся. Смиренно колѣна сѣрдца моего преклоняя, молю вась: подадите и мнѣ, алчущему и жаждающему, тояжде благодати, понѣ отъ крупиць падающихъ отъ трапѣзы ва́шей, и насытите дѹшу мою тѹю и дѹшу алчущу исполните блага́. О, всещѣдріи госпóдіе! всѣхъ вась добрый Пáстырь пасѣть, и ничтóже вась ужѣ лишитъ. Ва́шими благопріятными молитвами содѣлайте, да и менѣ, а́ще и недостойнаго, ничтóже лишитъ блага́; можете бо, преподóбнии всі, всѣмъ вся о укрѣпляющемъ всѣхъ вась Іисусъ Христѣ. Бѹдите, угодницы Бóжии, и мнѣ, окаянному, всі вся, да съ прóчими всѣми и менѣ, къ вамъ всеусѣрдно притека́ющего, приобретете. Аще бо мно́го мóжетъ молитва еди́наго праведнаго, поспѣшествуемая во благо́е, кольми пáче вась, праведныхъ и преподóбныхъ мно́гихъ, мóгутъ молитвы вся у всемілостиваго Бóга. Не двá или тріе во імя Христово собрани есте, и не двá совѣщаетеся на землі просити во імя Христово Отца́ Небѣснаго, но вѣліе мно́жество вась, о преподóбнии! Помолитесь о мнѣ, еди́номъ отъ грѣшныхъ, азъ же вѣрую, яко Бóгъ, прославляемый въ совѣтѣ всѣхъ вась, преподóбныхъ Своихъ, услышитъ прошѣніе собранныхъ и совѣщанныхъ во імя Его́. Изгуби́хъ, окаянный, грѣхопадѣнными моими благодать Бóжію, вы, святіи Печѣрскіи, мно́жествомъ своимъ поищите, молю, воистинну обрящете. Увы мнѣ! затворѣны предо мною, недостойнымъ, двѣри милосѣрдія, вы, преподóбнии угодницы Бóжии, всі потолцѣйте, и отворѣзутся рáди вась мнѣ, грѣшному, яко да и азъ къ ва́шему мно́жественному числу́, съ бóльшею ва́шею славою, ва́шими святы́ми молитвами, причтѣнъ быти сподóблюся. О достохвáльнии, преподóбнии отцы́ Печѣрскіи! вы есте́ рáдование Царя́ Небѣснаго, вы благопріятная жѣртва Вышняго, вы гра́ждане но́ваго Іерусали́ма, вы наслѣдницы Цáрствія Бóжія! Та́ко бо всі текóсте, яко и желáемое пости́гнете. Молю, и моимъ ногáмъ благо́е течѣніе въ пути́ заповѣдей Госпóднихъ содѣлайте и желáемое пости́гнути грѣшнаго менѣ сподóбите ва́шими многомóщными ходáтайствы, да вшѣдъ въ дóмъ Цáрствія вѣчнаго, возра́дуюся и возвеселю́ся, благодаря всѣхъ вась, преподóбныхъ, о таковой́ любви ва́шей ко бли́жнему, и кѹпно съ ва́ми восхвалю́ и возвеличу́ во хвалѣніи Еди́наго въ Трóицѣ Пресвятѣй, отъ всея́ твáри на небесі́ и на землі хвалі́маго, благослові́маго и поклоня́емаго Всемілостиваго Бóга, Отца́ и Сы́на и Свята́го Дѹха, съ Пречі́стою и Присноблаже́нною Дѣво́ю Богорóдицею, нынѣ, и присно, и во вѣки вѣкóвъ, аминь.

Таже:

Честнѣйшую херувимъ и слáвнѣйшую безъ сравнѣнія серафимъ, безъ исплѣнія Бóга Слóва

рождшую, сущую Богородицу, Тя величаемъ. [Поклонъ до земли.]

Слава Отцу и Сыну и Святому Духу, и ныне и присно и во веки вековъ, аминь.

Господи помилуй. [Трижды.]

И отпустъ: Господи Исусе Христе, Сыне Божий, молиत्व ради Пречистой Твоея Матере, преподобныхъ и богородскихъ отецъ нашихъ Антонія и Феодосія и прочихъ чудотворцевъ Печерскихъ, и всѣхъ святыхъ, помилуй и спаси насъ, яко Блажь и Человѣколюбецъ, аминь.

Примѣчанія:

[1] Послѣдованіе молебнаго канона приводится въ томъ видѣ, въ какомъ его можетъ совершать мірянинъ въ своей домашней молитвѣ — безъ возгласовъ и молитвъ священнослужителей.

[2] Канонъ печатается по изданію: Печерская Минія. Часть вторая. — Кіевъ: Въ типографіи Кіево-Печерскія Лавры, 2007. — С. 5-22. (Тропари канона свѣрены съ изданіемъ: Службы Преподобнымъ отцемъ Печерскимъ, ихже мѣщы въ Блїжной и Дальной пещерѣ нетлѣнно почиваютъ. — Кіевъ: Въ типографіи Кіево-Печерскія Лавры, 1785. — Л. 3 об. — 7.; 139 — 143.)

[3] См. Акѣисты съ каноны, и прочая душеполѣзная моленія. — Кіевъ: Въ типографіи Кіевопечерской Лавры, 1754. — Л. 268 об. — 271.